



UKA 2017/050-00

07-11-2017

**Meeqqanut sumiginnaasimasunut, taamatullu kinguaasiutitigut innarlerneqarsimasunut siusissukkut piukkunnaateqartumillu katsorsaanissanut neqerooruteqarnissaq, allatigullu ikorfartuisinnaaneq qanoq illulta qulakkeersinnaanerippup pillugu apeqquteqaat aallaavigalugu oqallinnissamik siunnersuut.**

(Inuit Ataqatigiit Inatsisartuni ilaasortaatitai)

Nunatsinni meeqqat inuuusuttullu peroriartornermikkut sullinneqarnermikkullu sumiikkaluarunilluunniit pitsasumik atugassaqartitaallutik ineriartornissaat Partii Naleqqamiit pingartilluinnarpalput.

Taamaammat inunnik isumaginninnikkut innuttaasunik sullissinermi sulisunik ilinniarsimasunik amigaateqarneq aamma atugassarititaasut ilaannit pitsangorsaanissaq pisariaqarmat erseqqissarusupparput.

Innuttaasunik sullissinermi aporfiusartut sulinermilu sulisunut atugassarititaasut pitsangorsarneqarnissaat kommunit qanumut suleqatigalugit misissorluarneqartariaqartut isumaqarpugut, tassami meeqqanik sumiginnaasarnerup iternga tikillugu pimoorullugulu aqqiivigineqarnissaa tamatta soqutigilluinnartariaqarparput.

Tassami meerarpassuit angajoqqaaminnik sumiginnarneqartarnerat annertuallaarujuussuaqaaq akuersaarneqarsinnaananilu, tamannalu meeqqamut kingunerluttumik equinerluttarpoq allaat meerarpassuit angerlarsimaffiup avataanut inissinneqartartut amerlasoorujussuanngorsimallutik.

Taamalu inissiisarneq pisortanut ilaqtariinnut meeqqanullu aningaasatigut akisuinnarani aamma meeqqanut tarnikkut sakkortuumik kingunipiloqartartoq ilisimaneqarpoq.

Meeqqanik kinguaassiutitigut atornerluisarneq tamavitta tamaviaarunnerullugu akiortariaqalerparput.

Allaat meeqlanut kinguaassiuutitigut atornerluisarneq pillugu pineqaatissiarnerit sakkukippallaannginnersut eqqartornerusariaqarpalput, ilumut ajornartorsiut taama annertutigisoq pineqaatissiarnerup tungaatigut aamma sukaterisariaqalinnginnerluta, uagut isumaqarpalput tamakku tamaasoq nalilersoqqissaartariaqalerivut.

Aamma inuttut nammineq inuunerinnerulernissarpalput anguniarlugu akisussaaffeqarnerulernissarpalput angusariaqarpalput, uatsinnut piumaffiginerulertariaqarpugut, qanoq-una iliorutta ajornartorsiuterpassuatta ilai pinngitsoortissinnaagivut ?

Tassami inunnik isumaginninnermi sullissinermi sulisorpassuit ilungersorlutik angummaniapilooqalutilu sullissippalput, kisianni ajoraluartumik angummassinnaatik, tassa suliassat amerlangaarmata aammalu sulissussanik ilinniarsimasunik amingaateqarneq pissutigalugit.

Taakkualu saniatigut aamma meeqlat kinguaassiuutitigut innarlerneqarsimasut sapinngisamik piaarnerpaamik katsorsarneqarlutilu ikiorserneqartarnissaat pisariaqarluinnarmat oqallisisssiamut qujalluta uuma oqallisisssiap kinguneqarluartumik naammassineqarnissaanut iliuusissat tamatta eqqarsaatigilluartariaqarivut isumaqarpugut.

Oqalliseqqinnissamut qilanaarluta siunnersuut taama naakkaluamik oqaaseqarfingaarpalput.

Anthon Frederiksen